

DISSERTATIO MEDICA
 INAUGURALIS,
 DE
 RHEUMATISMO:

QUAM,

ANNUENTE SUMMO NUMINE,

Ex Auctoritate Reverendi admodum Viri

D. JOANNIS GOWDIE,

ACADEMIAE EDINBURGENAE PRAEFECTI;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICAE decreto;

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS,

ERUDITORUM EXAMINI SUBJICIT

GULIELMUS VAUGHAN, ANGLO-BRITANNUS.

Ad diem 19 Julii, horâ locoque solitis.

EDINBURGI:

Apud G. HAMILTON & J. BALFOUR

ACADEMIAE TYPOGRAPHOS.

M,DCC,LVI.

VIRIS VERE ERUDITIS

FACULTATIS MEDICAE PROFESSORIBUS in *Academia Edinburgensi*,

D. JOANNI RUTHERFOORD, M. D. *Medicinæ Theoreticæ & Practicæ, & Collegii Practici Professori :*

D. CAROLO ALSTON, M. D. *Medicinæ, Botanices & Materiæ Medicæ Professori :*

D. ROBERTO WHYTT, M. D. *Medicinæ Theoreticæ & Practicæ, & Collegii Physiologici Professori :*

D. ALEXANDRO MONRO, M. D. *Anatomie & Chirurgiæ Professori, R. S. S.*

D. GULIELMO CULLEN, M. D. *Medicinæ & Chemiæ Professori :*

NEC NON,

JOANNI HILLS, ARMIGERO,
PRAECEPTORIBUS PLURIMUM COLENDIS :

OB SUMMAM, QUA ME, CONDISCIPULOS,
ET OMNE GENUS HUMANUM,
PROSEQUUNTUR
MUNIFICENTIAM, JURE CELEBERRIMIS,
HASCE STUDIORUM PRIMITIAS
GRATO ANIMO
OFFERT

GULIELMUS VAUGHAN.



Digitized by the Internet Archive
in 2019 with funding from
Wellcome Library

<https://archive.org/details/b30784712>

DISSERTATIO MEDICA

INAUGURALIS,

D. E.

RHEUMATISMO.

CORPUS humanum compage atque fabrica sua ab initio sedem morborum multorum fuisse necesse est, quamquam intemperantia postea, luxus et desidia ad hos augendos haud parum contulerint: cum fluidis et solidis conflatum sit, ea inter se, ut aequilibrium servetur, mutuo collidi oportet, praesertim quum dispendio et inaequalitati partium componentium imò et impetui externorum obnoxium sit, naturae solertiam, quod ad morbos attinet, potius mirari debemus, quam summi numinis placitis obmurmurare: satis enim constat, nihil aliud esse quam nifus quosdam naturae ad omnia sibi nociva eliminanda, quo corpori pristina sanitas atque integritas restituatur; revera autem nisi ita esset, corpori nihil emolumenti ex fluidorum motu atque indole, textura et actione solidorum accederet, nec quicquam nisi pondus iners existeret, ad se reficiendum prorsus ineptum, unde omnis morbus utut levis procul dubio per-

A

niciem

niciem secum afferret : aliter tamen rem sese habere experientia et observatis constat ; multos enim gravissimis morbis nulla arte aut medicina adjutos revalescere, ac postea valetudine firma priore longe prosperiore, uti cernimus.

NEC me fallit, multos homines morbos tanquam abnormia quaedam phaenomena aestimare, ac potius luctationibus constitutionis infirmae atque debilitatae ortum ducere, quam quidquam in rerum natura esse ; cuivis autem naturae in muneribus suis fungendis consilia curiosius indaganti liquido patebit, eam morbis generandis constanti ac aequabili tenore, vires suas semper intendere ; ortum, statum et remissionem morbi habent, imo singulos gradus symptomata sibi propria comitantur.

NEC negandum est, varios morbos variis symptomatibus sese mutuo referre, alios autem ita complicatos videri, aliorum morborum seminibus simul commixtis, imo et symptomatis adeo intertextis, ut optimo medico horum speciem et naturam ad amissim finire perdifficile sit. Hoc in morbis epidemicis saepius accidit : peritus enim ille medicus Sydenhamus observat, variolis grassantibus, febrem anni illius plerumque naturae inflammatoriae esse, imo ab initio symptomata permulta similia habere ; attamen semper aliqua praecipua phaenomena sunt, et singularia quaedam, aetate, sexu, victu, et aegrotantis habitu nata, quorum plurima memorare possumus, quae morbum

bum ab aliis distinguunt, et diligenter rem reputanti methodum curandi veram ostendunt: hic enim naturam et verum, ut in omnibus aliis, quantum licet sequi oportet, neque ad hypotheses vel maxime speciosas confugiendum est, nisi observationibus justis, experimentis accuratis, et recta ratione nitantur: morbis in genere leviter perstrictis paucula quaedam de rheumatismo differere in animo est.

Ῥευματισμός nomen a Ρέω fluo ducit; eo quod veteres destillatione ex capite et visceribus in artus et alias corporis partes nasci putabant: Graecis quoque nec immerito Κατάρρεος dictus. Sed Ballo-nius, ni fallor, primus usum hujus vocis (*rheumatismi*) circumscripsit, atque morbo jamjam tractando accommodavit.

SIN vero aliquid ex natura ejus et modo quo contrahitur conjicere liceat, eum inter morbos, qui primum genus humanum corripuerunt, fuisse probabile est, praesertim cum homines tunc temporis iisdem coeli mutationibus, et tempestatum vicissitudinibus, quibus nunc, objicerentur; hinc enim multae ejus causae pendere videntur. Sed cum ars medica initio maxime apud Graecos, Ægyptios, et Arabes floreret, et terra eorum situ ipso, coelo aequabiliore, et temperatiore frueretur, hunc morbum apud eos haud adeo crebrum fuisse verosimile est; ac si quando se prodiderit, adeo mitis forsitan fuerit, ut vix nominatim perscribendus videretur.

videretur. Hanc igitur ob causam antiquos eum omnino neglexisse, aut si quando mentio ejus occurreret, leves quosdam et errantes affectus, quam morbum verum ob oculos habuisse. Hippocrates in Aphorismis et libro de locis in homine, nonnulla ejus symptomata obiter memorat ; sed Galenus prae aliis hunc morbum lib. 1mo, cap. 7mo, de differ. feb. consulto describere videtur ; “ Hujusmodi
“ quapiam ratione provenire scito, rheumaticos no-
“ minatos affectus, toto videlicet corpore infirmo,
“ principibus vero illius partibus, paululum licet
“ insit sanguinis, gravari tamen solitis, eumque ad
“ carneas cutis partes protrudentibus.” Haec autem delineatio adeo imperfecta est, et modus quo causae atque ortus ejus rationem reddit, vera ejus natura tantum abhorret, ut tumor quidam potius quam rheumatismus aestimandus videatur.

Si vero antiqui ob supra memorata de rheumatismi indole et effectis parum satisfecerunt, recentiores saltem plerique eum ita morbis aliis implicuerunt, ut vix quidquam certi eorum scriptis de vera ejus natura colligi queat. Ex magna ejus cum arthritide affinitate, nullo adhibito descrimine fere describitur et medicorum vulgus, ut Riverius notat, naturae ejus ignari, morbum articulare universalem nuncupare solent. Sydenhamus, omnium auctorum quos mihi videre contigit, morbum hunc ejusque symptomata optime delineasse videtur ; ac quamvis magis perfunctorie ac brevius quam caeteros morbos,

morbos, attamen ea diligentia atque simplicitate quam in reliquis ejus scriptis cernere licet, tractavit: nec quidquam fere aliud actum ab his qui sequuti sunt, praeterquam quod sententiam ejus exscripserunt; summam igitur eorum quae de hoc morbo dicta sunt, scriptis ejus contineri censendum est.

DIFFICILE dictu quare auctores adeo negliger et serviliter vestigia ejus sequuti sunt, maxime si consideremus quam gravia symptomata eum comitentur, ac quoties aegrotum in capitis periculum adducat. Praeterea summis medicis practicis notatum, hunc morbum apud nostrates hac in insula, annis nuper elapsis, vehementius multo quam antea saevisse, quod inclementiae ingenti, et perpetuae fere coeli mutabilitati, quibus objecti sumus, fortetribuendum; ac proinde multa exempla notatu digna, unde plurima ad praxin utilia deduci atque inferri possent, haberemus; quin et morbi historiam et ejus curationem, magis numeris suis absolutam, in medium proferre liceret; hanc tamen dissertatiunculam, non obstantibus hisce difficultatibus, suscepi et ad finem perduxi, haud ita scriptitandi pruritu, ac vana ostentatione multos auctores citandi, parum utiliter forsan; quam ut legibus et constitutis hujus Academiae hac occasione, aliquod specimen progressus in studiis jure postulantis obsequerer: de
Diagnosi

Diagnosi igitur, Prognosi, et medendi methodo
disceptare conabor.

DIAGNOSIS.

RHEUMATISMUS in duo genera vulgo dividi-
tur, acutum scilicet et longum, quanquam hoc
illius plerumque tantum confectarium sit; quovis
anni tempore accidit, cum insignis aliqua mutatio
a calore in frigus fiat, mutato subito vento, ma-
xime autem vere et autumnus. Tremore, gravitate,
et totius corporis lassitudine, una cum partium ex-
tremarum horrore, ac frigore, incipit; hisce,
calor, sitis, pulsus velox ac plenus, et interdum
nausea et vomitus succedunt. Haec symptomata
in diem aut biduum pro ratione vitae ac habitu
aegroti, et pro viribus ac robore morbi jam coepti,
majore aut minore violentia continuantur. Cum
dolor excrucians unum aut plura membrorum sive
articulorum corripiat, praecipue autem humeros,
carpos, et genua, nec partibus quas invasit conten-
tus, nonnunquam enim huc illuc incredibili cele-
ritate oberrat, hi dolores, motu magnopere exa-
cerbantur, si malum sedem in articulis fixerit;
lecti quoque calor nocturno tempore eos ple-
rumque auget atque magis intendit. Si paro-
xyismus insignior fuerit, tumorem parvum ac ru-
bedinem post se relinquit; urina coloris rubri est,
et sedimentum album deponit; sanguis emissus
albo

albo ac firmo crusto, ut in pleuriticis, et morbis aliis inflammatoriis, densiore neque adeo crasso, obduci videtur.

HAEC sunt symptomata maxime communia hunc morbum comitantia, quae plus minus inter se complicata in diversis hominibus, pro diverso corporis habitu et victu apparebunt; vix enim quisquam morbus corpus humanum invadit, ubi omnia symptomata quae ei attribuuntur, eodem tempore sese ostendunt, quin potius ea solum quae particulari statui ac conditioni causarum morbificarum prae aliis maxime accommodantur.

NOTATU dignum, homines vigente aetate ac robore huic morbo magis caeteris obnoxios esse; idque hanc ob causam forte accidit, quod his solida fluidis vehementius agitentur, unde causae omnes ad sanguinem, humoresque ejus condensandum conferentes corroborantur, eoque eorum lentorem et diathesin inflammatoriam, quibus morbus magna ex parte pendere videtur, augeri necesse est.

QUAMVIS causae externae tempestatum inconstantia et variis anni temporibus ortae, quae nullis consiliis humanis praecaveri aut obsisti possunt, saepe imo plerumque morbi hujus Προκαταρτιδα sunt, multa tamen alia accidunt huc spectantia, quaeque eodem pertinent: quoties enim corpus violentiore aliquo exercitio, aut alio quolibet calidius redditur, ac deinde frigido ac humido aëri

aëri repente objicitur, aut aquae gelidae immergitur, morbum oriri oportet: quicquid vero perspirationem sanctorianam reprimat, idem praestare potest; at aliae sunt causae insuper, praedisponentes, quae si per se morbum non gignant, Προκαταρτικοῖς tamen conjunctae, morbus citius vires intendit, imo et symptomata omnia graviora et diuturniora evadunt. Hoc plethora quavis eveniat, seu evacuatione aliqua solita suppressa, sponte an arte arcessita, seu cibo lautiore, praesertim si paulo acrior sit, sive intermissis laboribus et exercitationibus quibus prius assueti fuimus.

SANGUINIS quoque et humorum crasis, nulla insigni plethora Προηγμένα magna ex parte conficere potest; lentor enim eorum atque visciditas, austeris, immaturis, et farinaceis alimentis ingestis, sive vitio ventriculi infirmi, chylove crudo mag-nopere augeri aut omnino forsitan generari possunt; hîc itaque causae Προηγμεναι corpus morbi hujus accessionibus proclivius reddant; variis igitur externis atque internis invicem conspirantibus morbus formatur, et statim aegrum misellum cruciare incipit.

Ex dictis de diagnosi difficiles aliquas quaestiones de hoc affectu enodare haud alienum erit.

1mo, QUAE NAM causa efficiens, ac humorum peccantium natura?

2do, QUAE NAM causa proxima, ac partes praecipue affectae.

1mo, Ex

Imo, Ex observatis de sanguine et partibus quibus constat, liquido patet, necessariam quandam attractionem singulis partibus variorum generum fluidorum inesse, unde majore aut minore vi cohaerent; hac lege atque proprietate fluidorum nostrorum quae in universum cunctorum in corporibus animalium obtinent, humores varii et succi densitate et crassitudine, genio atque muneribus suis propriis donantur; quoties vis haec plastica nimis augetur aut minuitur, quod ob diversas causas fit, tumultus aliquis et perturbatio, in oeconomia necessario sequentur; dum sanguis ea velocitate qua moveri debet, propellitur, isque calor necessarius quem natura postulat, fervatur, mistura aequalis compositis, ac proportio aequa variis fluidis simplicioribus semper erunt, nisi aliquid ab extra aut intus in mora sit: sed ex dictis de morbi hujus causis Προκαταρτικάις, multa sunt hunc naturae ordinem pulcherrimum turbantia, unde phaenomena ejus praecipua deduci possunt.

QUANTUM ex variis ejus causis externis colligi potest, omnes ad poros cutaneos obstruendos, et perspirationem naturalem cohibendam, qua natura ad multas acres et nocivas particulas corpore expellendas utitur, conspirare evidenter patet; poris autem sic occlusis, copiam ingentem materiae istius excrementitiae exitibus his perpetuo avo-

lantem, idcirco concludi oportet; fluidorum itaque aucta quantitate, plethora quodammodo accidet: hinc horror, gravitas et lassitudo corporis, et postea pulsus plenior, de quibus aeger queri incipit, nasci possunt.

EFFECTIBUS in naturae operationibus comparentibus, tantam vim materiae peregrinae corpore diu concludi, et perpetuum motum et attritionem, nisi acrimonia magnopere aucta, subire posse, omnino repugnat; quare igitur cordis et arteriarum latera perquam sensilia et irritabilia, stimulare incipiet, unde validius et frequentius contrahentur; sed vasis violentius agitata, fluidisque pro rata velocitate propulsis, omnes vires agitantes atque comprimantes, quae tantopere ad sanguinem humoresque rite firmandum valent, praeter naturam augefcent, febris atque symptomata ejus orientur; humores, sive mixti sive separati, partibus tenuioribus dissipatis et absorptis, crassioribus vero densatis, viscidiores atque densiores evadent, sanguis quoque ruber motu rapido et attritione nimis fortiter compressus et compactus, spissitudinem quamdam calidam et inflammatoriam acquirat.

Ex jam memoratis, hic totus morbus sanguinis rubri indole phlogistica, lymphae et feri lentore, acrimonia, ac visciditate, pendere poterit; et revera quaecunque, cadaveribus eorum apertis qui
hoc

hoc malo necati sunt, notantur; sanguinis insuper rheumatici venae sectione educti conditio, hanc sententiam fatis firmant; aliis* enim materiem pelluentem gelatinae instar musculis incumbentem; aliis† multos humores serosos circa musculos eorumque tendines, constipari notatum est. Vesicatoriis hoc in morbo praecipue parti affectae admotis, artis medicae peritissimi, humores saepius hoc modo evacuatos gelatinam‡ potius quam sanguinis serum tenue referre, animadverterunt.

HAEC omnia exempla, lympham et serum maxime vitiari fatis evincunt, rubri enim sanguinis habitum calidum et phlogisticum, febrem consequi, ac morbis omnibus inflammatoriis communem esse, arbitror.

PRAETEREA, multa argumenta sunt quae facie et circumstantiis morbi deduci possunt, ad hanc opinionem illustrandum haud parum conducentia.

1mo, RARO tumefactio ulla insignior, aut coloris mutatio in parte affecta, conspicitur.

2do, NUNQUAM in suppurationem abit, quod procul dubio accideret, si sanguis ruber insigniores

res

* Havers Osteolog. nov. cap. de rheumatismo.

† Ballon. et Sneider. lib. de catarrhis special. pag. 109.

‡ Hoc celeberrimo nostro medicinae practicae Professore saepius observatum est.

res aliquas partes in morbo producendo, sustineret.

3^{tio}, LOCUM saepe mutat, huc illuc celerrime vagatur, deinde recedit, aut hanc sive illam partem obsidet.

4^{to}, NONNUNQUAM fixus apparet, nullo dolore praevio; imo utrobique nullis symptomatibus febriculosus notatu dignis, comparentibus.

5^{to}, SUDATIONEM et transpirationem insensibilem promovendo, hoc enim pacto, liquores et fluida limpidiora ac simpliciora tantum auferuntur, optime curari compertum est.

HAEC omnia opinionem modo allegatam satis firmant, si autem supra observata nobiscum revolvamus, vix ansa vel minima, de efficiente ejus causa dubitandi, relinquetur; quaedam enim sese clare explicare videntur, ideoque hisce diutius immorari omnino supervacaneum esset, quamquam forsan enodationem phaenomenon nonnullorum singularem conari haud abs re foret.

QUANDO (3^{tio}) copia materiae morbificae exigua est, dotibus ejus mitioribus ac magis fluidis, quod a levitate variarum ejus causarum eveniat, circulatione communi una feretur, ac dum procedit, vasorum latera tenera, praesertim ubi arctissima sunt, distendet et vellicabit; sed quum nondum ad tenacitatem ullam eximiam seu acrimoniam auctam, ob inopiam causarum adjutantium pervenerit, nequaquam sistet, quin potius succedentibus liquoribus, seu ope eorum quibus

quibus commixta fuit, propelletur, unde dolores variis corporis partibus excitabit; nec ideo tamen febris nasci poterit, eo quod neque copia ejus satis magna, seu acrimonia, imo nulla forsan aegroti habitus aptitudo praedisponens, ad eam formandum necessaria, concurrant: hi itaque humores, corporis miti calore naturali, resolvi et tolli possunt, aut metastasi quadam, proprietates, longiore mora in corpore auctae, ad partes aliquas singulares traduci possunt, articulos, scilicet, lumbos, coxendicem, aut organa aliqua nobiliora, videlicet, cerebrum, pulmones, &c. ibique dirissima gignantur.

Nec (4^{to}) vero abhorret lentorem mitem varias ob causas*, nullis particulis perquam acribus, sero ac lymphæ existeret; quum vero hoc acciderit, transitus per canales minutissimos impediri potest; quoties autem humores aliqui id genus, vasorum tenuium orificia dilatata transeundo, extra vasa funduntur, aut canalibus per quos circumagi debent, concluduntur; partes subtiliores, calore ac tepore partium ambientium, imo et actione venarum exiguarum absorbentium, quarum numerus finiri nequit, necessario abripiuntur; hoc itaque modo, materia morbifica jam accumulata, densior magis fixa et pertinacior facta, rheumatismum sine ope febris praegressae producere potest. Natura atque proprietatibus materiae peccantis, variisque

* Vid. pag. 8.

que causis quibus inducitur jam explicatis, hujusmodi fluidorum status consecretaria aggrediar, unde causa ejus proxima, ac partes potissimum affectae, sponte considerata venient.

2do, INTER optimos anatomicos et physiologos, ni fallor, jam convenit, imo observatis et experimentis ope injectionum et microscopii factis, liquido probatur, canales plerosque per quos fluida transmittuntur totidem tubos* conicos esse, serie regulari decrescentes, una cum vasis variis diametron diversarum, lateribus excurrentibus, unde liquores varii, vasis pro magnitudine particularum quibus constant ornantur; quippe artificium quoddam mirificum excogitatum est, quo liquores subtiliores necessario comitantes, ad vasa sua propria deferantur. Globuli rubri particulae maximae in sanguine esse reperiuntur, extremitates quoque eum deferentes, quaeque prima vasculorum series habentur, eos singillatim transmittere notantur. Leewenhoec, in partibus animalium pellucidis, hoc summa cum voluptate conspexit, globuli quoque transitum majoris solito per partem canalis magis convergentem obsisti, contractionibus autem vasis vibrantibus, globulique istius elasticitate, resilire, et in sphaeroidem oblongam

* Hic velim intelligi vasa conica esse dicenda, eodem sensu ac arbor respectu ramorum, nec me fallit spatia media inter quoslibet duos ramos cylindros potius habendos; imo divergere nonnunquam cernimus.

oblongam mutari, ac deinde per extremitatem angustam facilius transire, observavit; singuli horum, ut ab eodem notatum est, sex globulis minoribus compressis constant; hi autem in partes componentes resoluti, flavi ac globuli feri, jam apparent; quod si eadem analogia ulterius obtineat, ut Doctissimus Van Swieten observat, hosce serofos sex aliis constare oportet, atque ita deinceps, donec ad lympham, succos et humores subtilissimos, perventum sit; unde arterias serofas et lymphaticas series binas proximas esse, conjectare licet. Hi autem tubuli, ut supra dictum, coni figuram referunt, et liquores qui naturaliter per eos fluere debent, ea sunt σύστασι, ut facile extremitates convergentes pervadant, at in rheumatismo, lympham et serum, viscositatem praeternaturalem nata sunt, omnes particulae constituentes in massas majores congeruntur, quare quamquam serum sat facile per rubras, ac lympham per arterias serofas transeant, et in orificia aperta suorum vasorum recipiantur, eo quod conorum totidem bases sint, attamen cum propius extremitates sive apices accedant, magnitudo ac densitas, ne longius procedant, obstabunt, unde obstructio nascetur; hoc autem hisce partibus eveniet, ubi vasa hujus generis quamplurima sunt, nec adeo facile dilatantur, ac ubi vis cordis propellens parum aut nihil proficit.

PROXIMA

PROXIMA igitur causa obstructio forsan habenda, idque in partibus densioribus ac magis compactis, ubi hi liquores plurimum scatent, et circulationis velocitas aliquanto minuitur; quo autem partes hae melius cognoscantur, phaenomena sequentia expendenda sunt.

(α) CUM morbus in articulis fixus sit, aeger vel minimo motu, nullo nec tumore, nec coloris mutatione comparentibus, neque fibris ullis muscularibus juxta partem affectam locatis, gravissime queritur.

(β) SAEPE quum spatiis mediis sedem fixerit, brachio scilicet, aegrotus musculis contractatis aut vellicatis, haud ita moleste feret, sin autem os gravius comprimatur, summo dolore afficitur.

(γ) SUPERFICIES quoque interdum multum dolet, nec partes exteriores, nisi summa molestia tangere licet.

(δ) SAEPE quum manus parti affectae admoventur calor quidam et acrimonia sentitur. At hoc in acuto genere praecipue fit, auctis enim in vasis sanguineis contractionibus vibrantibus, dolore natis, sanguinis velocitas in partibus ambientibus forsitan augeri potest, et hinc calor; at in longo partes fere frigidae sunt.

Ex hisce, articulorum ligamenta et capsulas ac tendinum vaginas (α) juxta locum cui inferuntur, periossteum (β) et musculorum aponeuroses (γ) maxime affici, colligere licet. Ex dictis vero de causa proxima, haec opinio satis stabilitur, quod omnes hae partes*, si aliis comparentur, exiguam copiam sanguinis rubri per se circumacti, habent, fibrae earum haud ita facile ad vim fluidorum impellentem excurrunt, et corporis partibus exterioribus plerumque locantur.

† Auctor doctissimus ac celeberrimus, multis et variis experimentis, atque ex eo quod nervi illis partibus investigari vix queant, eas sensu omnino destitui, summo cum labore, probare aggressus est; corollaria tamen inde deducta, solida basi niti, nequaquam in animum inducere possum: nec ex difficultate nervos investigandi, eas his omnino destitui concludere licet; multae observationes de partium conditione, corporis aetate varia, quin et ipsius naturae tenor constans et perpetuus, in constructione partium conspectiorum, huic opinioni refragantur, ac errore implicitam

C

omnino

* Scriptores morbo, pro diversis partibus quas invadit, diversa nomina dederunt; quoties lumbos sive os sacrum occupat, lumbago nuncupatur; sin vero os coccygis et sacrum affecerit, dolor ischiadicus dicitur, &c. Nec hîc ad singulares curationes confugere opus est, quum methodus medendi generalis huic usui satis inserviat.

† Vid. Haller de partibus corporis humani sensilibus et irritabilibus.

omnino esse demonstrant; sed cum celeberrimus ille Medicus D. Whytt *, noster Professor medicinae theoreticae, hanc rem adeo luculenter tractavit, atque omnibus quae hic opponi solent, quominus morbi cujusvis molesti sedes sint, cumulate respondit; hic notanda missa faciam, uno tantum experimento contentus, quod mihi animi causa, facere nuper contigit, Num scilicet, tendines facultate sentiendi necne donentur?

DIE Aprilis 26. anno 1756, hora sexta pomeridiana, tendinem Achillis canis denudavi, vaginam autem ejus intactam reliqui; sed quo rem quam accuratissime expedirem, tendinem nec secui, nec pupugi; animal enim tunc temporis, tanto dolore afficiebatur, ut phaenomena rite notare nequiverim, tempus itaque opportunius expectare satius duxi. Horis quinque elapsis, tendinem lanceola leniter pertudi: hoc facto, signa doloris nonnulla ululatu edebat; instrumento vero ulterius protruso, minus perturbari videbatur: tendinem deinde ter aut quater lanceolae cuspide compunxi; quoties autem hoc fieret, crus toties subduxit, ac subinde ululavit. Vinculis jam solutus, nullo dolore, praeterquam eo, qui ex integumentis laesis ortus esset, cruciari videbatur; huc illuc enim cursitavit, perinde ac operatio nulla instituta fuisset: post horam humi procubuit, vulnera lambabat, ac identidem leniter ululabat.

POSTRIDIE

* See Dr. Whytt's Physiological Essays.

POSTRIDIE hora prima pomeridiana, Medico celeberrimo Whytt Prof. nost. medicin. theoret. et Walker, condiscipulo quoque insuper praesentibus, tegumenta undequaque paulo altius dissecui, et scalpello per vaginam adacto, membrum vulneratum subtraxit, ac dolorem sono quodam tremulo, simul significabat; involucrum denuo revolutum pupugi, atque confestim eodem modo ac prius afficiebatur; tendinem jam apertum et denudatum, hamo arripui, atque aliquamdiu sustinui, donec animal placidius evaderet; tendine aliquoties compuncto, dolore nullo insigniore, quantum conjicere poteram, cruciari videbatur.

Post intervallum quatuor et viginti horarum, Medici Barclay et Walker, tendinem ejusdem canis aliquamdiu conductore suspensum, compunxerunt, ac deinde transversim penitus secuerunt, cum ille interim nulla doloris indicia daret, substantia tamen cellulari, tendinem ambiente, contacta, aegerime ferre constabat.

Hoc experimento facto, tendo nullum sensum acutum habere visus est, quanquam nullus dubito animali sensum quemdam obtusum sive hebetem fuisse, ei similem, quem cute aut unguibus sentimus, quoties digitus iis admovetur: vagina autem eum intime vestiens vel in statu sano, acuta sentiendi facultate praedita videbatur; quanto vero magis partibus inflammatis, distentis, et distractis, hoc obtinebit.

tinebit. Hic* igitur alia praeter corneam exceptio, qua membranas sensu neutiquam vacuas satis ostenditur; ac quamvis hoc quoad tendines incertum esse concedatur, eorum tamen vaginas, rheumatismi, neutiquam dolore acutissimo immunis, sedem esse posse, quodammodo probatur. Annon membrana haec lanceola puncta, dum sanguis vena emittitur, ansam symptomatibus praebeat? Annon membrana haec inflammata†, uno e tendinibus nobilis cujusdam juxta talum arrepto, convulsiones horrendas suscitare potuit?

P R O G N O S I S.

Quotquot Auctores de hoc morbo scripserunt, prognostica perfunctorie nimis, tanquam levia ac minus periculosa, sicco pede praeterierunt; raro enim, aut vix unquam funestum esse vulgo affirmant; hoc autem in causa sit, cur hic morbus illis adeo leviter perstrictus sit, imo cur aegro ad empiricos et aniculas potius quam medicos, saepe decurratur; quicunque vero, quanta mala dira, quod saepius fit, materia morbifica, ab partibus exterioribus ad interiores translata, orientur, secum reputet, opinionem talem, medicum in oscitantiam et errores, ac aegrotum in summum vitae discrimen, adducturam, comperiet: quando vero et quibus signis, periculum aut salutem expectare

* See D. Whytt's Physiological Essays, page 112.

† Vid. Van Swieten comment. in Aphor. Boerhaav. vol. ii. pag. 241.

pectare licet, prognosticis in formam aphorismorum totidem generalium redactis, indicare conabor; exinde ad methodum medendi progrediar; neque enim limites dissertatiunculae hujus, rem pluribus verbis, dilucidare patientur.

CUM dolor atque symptomata caetera subito abiverint, febrisque etiamnum, unà cum urina clara ac limpida permanferit; viscera inflammata, asthma, peripneumonia, delirium, convulsiones ac mors, metuenda sunt; talia autem nequaquam praeter solitum, eveniunt.

SIN vero dolor aliaque symptomata in chronico, ac febris simul, in rheumatismo acuto, evanescant; si aeger eodem tempore libere perspiret, ac sudor partibus affectis eliciatur, sive urina crassa ac copiosa sit; omen faustum est, imo sanitas plena atque absoluta, expectanda est.

SI rheumatismus morbis interni generis, maxime delirio ac convulsioni, successerit, aegrum plerumque levare, ac forsitan omnino morbo liberare poterit; at hoc in casu judicio subactò tractari debet, ne recurrat, ac aegrum perimat.

DIARRHOEA sponte interveniens, morbum critice solvere potest; hoc enim modo materia peccans tolli poterit, ac proinde, nisi violentior sit, mos ei gerendus est.

SI morbus acutus fit, raro ultra dies viginti aut quadraginta perdurat, symptomata autem dolores acerbissimos adferunt. Sin vero longus fit, aegro
male

male, five methodo neutiquam idonea tractato, per menses aliquot five annos, imo per totum vitae spatium prorogari potest; luxationes in articulis aliis, in aliis vero anchyloses, creare potest.

METHODUS MEDENDI.

DE Diagnosi et Prognosi satis jam dictum arbitror, methodus medendi nunc perpendenda restat; quo autem tota res clarius pateat, tres indicationes in medium proferre lubuit, ad quas si curatio rite dirigatur, aegri salutem minime desperandam confido: *scilicet*,

1mo, Ut febris minuatur, ac dolor mitigetur.

2do, Ut materia morbifica attenuetur, ac corpore eliminetur.

3tio, Ut partes debilitatae corroborentur.

imo, CUM de morbi hujus causis differeremus, sanguinis non solum viscositatem et acrimoniam, sed et quantitatem auctam, ostendere conati sumus; unde febris vel gignitur, aut plurimum certe augeatur. Venae sectio igitur imprimis necessaria videtur: nullum enim remedium novimus, quo fluidi arterialis ac venosi copia, celerius minuatur, nec quomalis inde ortis, melius occurratur: hoc enim pacto, liquorum contra canalium latera renixus,

imo

imo et stimulus imminuitur, hi quoque copia minores, frigidiores, laxiores, ac magis solubiles fiunt, unde secretio eorum ac excretio, haud parum promovebitur.

PHLEBOTOMIA igitur pro aegri viribus ad 10, 12, five 15 uncias celebrari potest; haec autem, die uno alterove intercalato, semel aut bis, imo saepius, prout morbi conditio suadet, repetenda est: quodocunque vero febris remissior esse coeperit, ut nihil periculi inde timendum sit, operatio haec omnino omittenda est, eo quod ratio et experientia, nil feбри leviuscula efficacius ad morbum tollendum conferre, satis docent; quare in rheumatismo chronico, ubi nullum auxilium istius modi datur, imo et in acuto, ubi febris vires suas parum intendit, medicamenta pungentia ac aromatica, optimo jure ac feliciter saepe adhibentur; ope enim particularum penetrantium et effluviis odoriferis, vasa vehementius contrahuntur, humores stagnantes in motum suscitantur, unde via qua attenuari atque expelli possint, sternitur: at ni hoc fiat, morbus diu figatur, luxationes quoque et anchyloses accedant. Cataplasmata emollientia et fomenta, pane candido et lacte, liliorum radicibus, croco, malva althaea, &c. confecta, ac parti affectae applicata, dolores optime levabunt: his enim durities ac rigiditas quodammodo tolluntur, vasa laxantur, causis quoque morbificis transitus liberior conciliatur.

liatur. Partes quoque affectas lanula involvere, haud parum juvabit. Haec de indicatione prima dicenda habui, ad secundam nunc accingar.

2do, Ut materia morbifica attenuetur, ac corpore eliminetur.

IN morbis omnibus generis inflammatorii, curatio, sanguinis attenuatione, maxima ex parte nititur; quoties autem crasin phlogisticam, et spissitudinem firmam, nactus sit, diluentia sola adhibita, parum fere aut nihil proficiunt; liquida enim plerumque eadem copia, qua ingesta fuerunt, evacuari solent, ac proinde consilio quo dabantur, neutiquam respondisse, affirmare possumus; diluentia igitur resolventibus commiscenda sunt: his enim viribus conjunctis agentibus, valida illa cohaesio, quam particulae fluidorum praeter naturam adeptae sunt, solvetur; particulis quoque eorum levibus et aquosis, sese inter globulos concretos insinuantibus, massa tota magis liquida reddetur: motus atque agitatio lenis, hic, perutilia erunt, horum enim ope, liquores intimius commiscuntur atque adunantur; particulis quoque densioribus, frictione moderatius aucta, latera invicem collidentur, unde deinceps eas conteri atque dissolvi oportebit: hoc forsitan in causa sit, cur febris gradus levior huic morbo curando, auxilium adeo insigne praestet; calore enim ac motu nimio,

nimio, et vice versa, effectus fere similes proveniunt. Cum igitur morbus obstructa perspiratione plerumque nascatur, evacuatione aucta ac restituta optime forsan curabitur; omnia, itaque indolemiti, resolventi, attenuanti, ac sudorifica praedita, praescribenda sunt, neque his plus nimio indulgendum; nam aegro si sudore nimis diffluat, haud parum periculi imminet, ne morbus auctus, sanguinis et humorum partibus tenuioribus subito dissipatis, magis fixus ac obstinatiores evadat. Haec igitur diluentia, serum scil. lactis, aqua hordeacea, una cum liquoribus quibuscvis generis ejusdem, praescribi possunt. Sales chymici neutrales, eodem tempore tartarus scil. regeneratus, vitriolatus, &c. nitrum quoque, spiritus mindereri, et vinum benedictum parva copia, sanguinem, nec aucto ejus motu, insigniter attenuant et diluunt, ac proinde tuto et feliciter administrari possunt. Bardanae, petroselini, ac herbarum, et radicum aperientium decocta, egregio usui inserviunt; omnium autem medicamentorum in rheumatismo chronico praesertim, nullum, gummi, callidis, guaiaco scilicet, &c. Senekae quoque decocto, ad praescripta Pharmacopoeiae Pauperum Edinburgensis, confecto, remedium efficacius praestat.

DECOCTUM hocce in morbis omnibus obstructione natis nullis postponendum videtur, leniter
D quippe

quippe calefacit et attenuat, imo quantum ex effectis ejus conjectare licet, perspirationem febris nec aucta nec fuscitata, ita ut percipi possit, magnopere promovet: multis ac variis asthmaticis et rheumaticis, in Nosocomio regio Edinenfi, D. Rutherford medicinae practicae Professore celeberrimo, datum; nemini autem laetiore eventu, quam cuidam lepra laboranti; ope enim ejus ad sanitatem pristinam restitutus est, nec sine omnium admiratione, qui tunc temporis sub auspiciis ejus, rei medicae operam dabant. Annon remedium hoc in casibus permultis venereis adhiberi potest?

PURGANTIA quoque, si statu fluido exhibeantur, ad sanguinis lentorem solvendum haud parum momenti adferunt: haec autem potionibus sive decoctis, fenna, tamarindis, cassia, &c. confectis dari possunt. Cauto itaque usu remedium quae memorata sunt, indicationi huic optime responderi potest; quicumque vero morbis feliciter mederi instituit, eum, quo modo ac quo tempore, remedium exhibendum, aequè ac medicamenti genium, callere oportet. Indicatio tertia et ultima nunc tractanda restat, scilicet

3tio, Ut partes debilitatae corroborentur.

LANGUOR sive debilitas insignior, hunc morbum raro sequuntur, ni violentior, et aegro nimis crebrò sanguis missus sit. Hoc Sydenhamus

re

re ipsa verum esse comperit, consilium itaque mutavit, ac rem, alia via, quae hac methodo omnino pendebat, aggressus est. Sin vero aeger languidior ac debilior sit, cibi nutrientes ac concoctu faciles, praebendi sunt: aër saluber et purus, una cum modicis ac lenibus exercitiis perutilia erunt; amara quoque stomacho grata, danda sunt; ad balneum denique confugere licet, quo nihil ad solidorum tonum et elasticitatem revocandum praestantius datur.

F I N I S.

